

تارك الوطن راحل بشجن
حجتي ما تمت ومصرعي في كربلا

يا شفيعي جيت أودعك روي مشتاة لمعراج اليقين
سر إلهي تارك ابروحي هجرة العاشق لحج العارفين
هذا دربي ذرب تضحيتي أرتقي بالدم لباري العالمين
هاك إخذني ضمنى يم صدرك خل أشمك بس كبل حز الوتين

من حزن كبرك أهاجر للشهادة آه يجدي
ينرسم موتي مثل خط القلادة آه يجدي

طالع بالمسا وياي النسا
أدري مـ يتركوني ومصرعي في كربلا

تارك الوطن راحل بشجن
حجّتي ما تمّت ومصرعي في كربلا

يا البتوله جيتج ابوجدي أشكي لترايچ مسارات الجراح
يُمّه فاطم ودّعي أحسينيچ باچر ابطف كربلا دمّه يُباح
محني يمچ عايني ضلعي مثل ضلعچ تكسره سُمر الرّماح
وينه چفّچ بالله ضُمّيني خايف اعلى ايتامي من سبي ونياح

من گسر ضلعچ خذتْ أعظم فجيعة لشهادة
وباچر أحبابي على الغبرة صريعة لشهادة

ونسوه مُعولّه بنوگ مهزله
عني ترحل وسفه ومصرعي في كربلا

تارك الوطن راحل بشجن حجتي ما تمّت ومصرعي في كربلا

عِفْتُ داري والمدينه اتنوح والدروب اتوشّحت غيم وضباب
خطوة خطوة والألم يحدّي والرّواحل ترسم اسرار العذاب
والمنابر تصرخ ابصره والمدينة اتبدلت دمع ومصاب
هذي رحله بفرع مطويّه تزرع الصّحرا جزن، هم، وأكتئاب

خطوتي للموت ما هزّت يقيني بهالمصيبة
خوفي باللي يجري بيّامي وبنيني بهالمصيبة

حاديها شمر والـ يشمت زجر
فارغوني بلا غسل ومصرعي في كربلا

تارك الوطن راحل بشجن
حجّتي ما تمّت ومصرعي في كربلا

كعبة الله تبجي لمصابي تدري إحرامي انزعّ جبل التمام
عفت حجّي والصّدى ينادي حجّي الأكبر طواف اعلى الخيام
هذا ثوبي صار أكفاني وصار تلبية العشك نرف الحسام
هذي مئة تصرخ وتلطم ودعت شمس الضحى وخير الأنام

حجّي ابدمّ النحر يكمل طوافه للمنيّة
وينهدم ركن الحرم آآآه يا حسافه للمنيّة

ميقات الألم من حرك الخيم
المسعى ركضة زينب ومصرعي في كربلا

تاركِ الوَطَنَ راحلٍ بشجنٍ
حجّتي ما تمّت ومصرعي في كربلا

هاجت الرّيح في أرض لطفوفٍ والعطش فت مهجتي وهزّ الجبال
أهلي صرعى والغمر عبّاس مرمي ما عنده يمين ولا شمال
صدري داسوه ضلعي أتكسّر راسي شالوه برمح يبرى العيال
والعقيله تندب ابحسره منسبيه تمشي وتجر الحبال

والخيم محروگه والنسوه ذهوله وسطة البر
تفارتت مرعوبه ما تدري شتگوله وسطة البر

وبالخيمة العليل دمعته تسيل
ينظر الـ أيتامي ومصرعي في كربلا